



partii naleraq

Nuuk 13. november 2018
UKA2018/230
Hans Enoksen Partii Naleraq

Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu Naalakkersuisunut kaammattuutigaa imaani pisuussutini uumassusilinni mikroplasteqassutsimik kiisalu atlantikut avannaata imartaani plastikini mingutsitsinerup qanoq siammartigisimaneranik misissuinerup aallartitseqqullugit. Misissuinerup inernerisa 2018-imi Nunat Avannarliit Killiit Siunnersuisoqatigiiffiannut saqqummiunneqarnissaat kissaatigineqarpoq.

(Aallartitat siulittaasuat Vivian Motzfeldt)

Nunani avannarlerni pinngortitaq mianeralugu paarilluarneqarnissaa tamatta pisussaaffigisariaqarparput aammalu ilumoorullugu suliarisariaqaripput uagut kisitta atussannginnatsigu aamma avatangiisit pinngortitaq naasut uumasut paarilluarneqarnissaat pisussaaffigisariaqarparput apeqqusinngilluinnarlugu.

Nunani avannarlerni tamatsinnut ilami nunarsuarmi sumiluunniit avatangiisit minnerunngitsumillu imarsuaq inuuniarnikkut tunngavipput erlinnartuutigisariaqarparput inuit uumasut pillugit pinngortitaq sianilluannigsumik paarsinerput pissutigalugu aserulerparput tamannalu akuersaanginnarlugu ingerlasinnaajunnaarpugut sukangasuumik avatangiiserput allat utaqqinagit illersortariaqalerparput pimoorussinermullu Partii Naleqqamiit peqataanissarput naqqissuserusupparput allamik taamak erlinnartigisumik pinngortitamik taamak kusanartigisumik takusassaqaqqanngilagut.

Nunatsinni aammalu pinngortitami sumiluunniit avatangiiserput nunamiippat silaannarmiippat immamiippalluunniit akisussaassueqartumik paarisariaqarparput, ajornartorsiut nunarsuarmi sumiluunniit annertusiartuinnarpoq. Pinngortitamut inuk pinngortitami silaqarnerpaatut imminut isigisoq kanngusuttariaqarpoq, tassami maanngaannaq eqqaarnersuatsinnik aseroriartuinnarpoq uumasorpassuillu toqorarlutik amerliartuinnarput uagut inuit paarsilluannginnersuarput pissutigalugu.

Nunarsuarmi ajornartorsiut annertoqaaq maanngaannaq pussiakorpasuumik eqqaaneq ajornartorsiutinngormat, tamannalu aamma nunatsinni ajornartorsiut annertusiartuinnarpoq pisussaavugullu aamma uagutsinnut qiviarluta pinissarput aallartissutigissagipput.

Nunatsinni kajumissutsimik sulisut inuit amerlaqaat pinngortitamik mianerinnittut nunaqarfanni illoqarfinnilu inuit najugallit, taakkuinnaanngillat aamma umiatsiararsortut angallatit aalisariutit suliffeqarfille qujanartumik annertusiartuinnartumik ingerlanneqalersimavoq. Nersualaarpagut, torrak pinngortitaq inuit naasut uumasullu illersorassigit akisussaassuseqarlusi.

Taamatut oqaaseqarluta kaammattuut tamakkiisumik taperseripput oqaatigissavarput.
Uagut kisitta nunarsuarput atugassarinnigilarput, nunarsuaq uagut kisitta atugassarinnigilarput
attartuinnarparput kingulissatta aamma attartortussavaat taamaattumik aamma kinguassaatsinnut.
Kinguaasatsinnummi imaak oqarsinnaasariaqarpugut. Ilissi pillusi nunarput paarivarput.